

LOU PRINTEMS,
IMITATION DE LA QUATRIÈME
Ode d'au premiè Livre d'Horace,
SOLVITUR ACRIS HIEMS, &c.

ADRESSADE A MOUSSU L'ABBÉ
PLOMET, per souz tres-humble
Servitou M * * m. Martin gesaitte

PLOMET à la Saïson nouvelle ;
Un affroux Hiver a cedat ;
Enfin, de sa rigou mortelle,
Lou Printems nous a delivrat :
Lou Magistrau, la Tremourranc,
Qu'à force de buffa s'escanc,
Fan place as Airs douces & fins,
Que d'un aimable badinage
Carellaran nostre vilage,
May que garden pas lou dedins.

Nostres Marchands s'en van à Certe,
Per mettre en Mar sous Bastimens ;

Lou Bestiau que broute l'herbette,
 Se done mile passe-tems;
 Quand ére enfermat à l'Estable,
 Triste, perclus & miserable,
 Reclamave sa libertat;
 La retraite que lou caufave
 Quauques moumens, lou foulageave,
 Mais aymave may estre au Prat.

✻
 Lou Païsan dins sa ragneyre
 'Are n'es pas engrepest,
 Au Cantou de la Chimigneyre
 Demore pas pus appigrit:
 La Barbaïste lusente & blanque,
 La Glace qu'en Estieu nous manque,
 Coume fara pas aquest'an,
 Rescondou pas dins nostre Prade,
 Aquelle Verdou tant aimade,
 D'ounte souven nous égayan.

✻
 Venés veyre nostres Fillettes,
 Que trefoulissou de dansa,
 Sus l'Herbe, & las Margaridettes,
 Toutes s'empressou de saura;
 Trouvou trop courte la journade,
 Incare quau qu'à l'Esplanade,
 Ou dins un Recoin dau Peyrou,
 Proufitou dau Cla de la Lune,
 Jusque qu'une Mere impourtune

Ven crida coum'un Lougarou.



Que lous Fafeyres de farrailles
 Buffou lou fioc tan que voudran,
 Qu'en lou martel & las tanailles
 Tout lou jour exerçou sa man!
 Dau Printems celebren la Feste;
 PLOMET, courounen nostre teste
 De la Meurtre qu'à pene nay;
 De las Flous dont la Terre ouverte
 Peuple la Campagne deferte,
 Quau carga chacun nostre fay.



Lous Agnels sou tendres & grasses,
 Lous Cabrits li devou pas res;
 Dins lou plafé das bons Repasses,
 Se quau diverti quauque fes:
 Proufiten dau tems que nous reste;
 La Mor noun fera que trop leste;
 Savés qu'espargne pas degus:
 Lou Louvre embe toute sa Garde,
 Permet l'intrade à la Camarde
 Coume la Cabane d'un Gus.



Pourten pas lion nostre esperance,
 Tout-à-cop nous faudra parti;
 Qu'agen richesses, abundance,
 D'aqueste Mounde quau sourti:
 Mais qu'une mandite tristesse

4
Cause pas pus nostre paresse ;
Nous soumetten pas à las leys
D'un chagrin , que se nous tuave ,
En la Fougasse de la fave ,
Pourrian pas pus fayre lous Reys.

*Quod si me lyricis vatibus inferes ,
Sublimi feriam sidera vertice.*

(Horat. Ode 1.)

A MONTPELLIER,
Chez JEAN MARTEL, Imprimeur Ordinaire du
Roy, & des Etats de Languedoc, près
l'Intendance. 1729.